

四庫全書

集部

欽定四庫全書

石倉歷代詩選卷一百十五

明 曹學佺 編

唐一百二

拾遺二

宋璟

字廣平  
邢州人

奉和聖製同二相已下羣官樂遊園宴

侍飲終酺會承恩續勝遊戴天惟慶幸選地即殊尤北

向祇雙闕南臨賞一丘曲江新溜暖上苑雜花稠疊疊  
韶絃屢爻爻賁帛周醉歸填畛陌榮耀接軒裘

奉和聖製答張說扈從南出雀鼠谷

秦地雄西夏并州近北胡禹行山啟路舜在邑為都忽  
覩寒暄隔深思險易殊四時宗伯叙六義宰臣鋪徵作  
宮常應星環日每紆盛哉逢合道良以致亨衢

奉和聖製送張說巡邊

帝道薄存兵王師尚有征是關司馬法爰命總戎行畫

聞崇威信分麾盛寵榮聚觀方結轍出祖遂傾城聖酒  
江河潤天詞象緯明德風邊草偃勝氣朔雲平宰國推  
良器為軍挹壯聲至和常得體不戰即儲精以智泉寧  
竭其徐海自清遞還廟堂坐贈別故人情

送蘇尚書赴益州

我望風烟接君行雪霰飛園亭若有送楊柳最依依

崔泰之

奉和聖製送張尚書巡邊

南庭胡運盡北斗將星飛旗鼓臨沙漠旌旄出洛畿關  
山遶玉塞烽火映金微屢獻惟謀策頻承廟勝威躩蹠  
臨河騎逶迤度隴旂地脉平千古天聲振九圍車馬生  
邊氣戈鋌駐落暉夏近蓬首轉秋深草木腓餞送紆天  
什恩榮賜御衣佇勒燕然頌鳴騶計日歸

奉酬韋祭酒偶遊龍門北谿忽懷驪山別業因  
以書志

關塞臨伊水驪山枕灞川俱臨隱路側同在帝城邊謝

山下疏亭洛水傍  
昌年賞豐陌  
夏日悅林塘  
衣冠皆秀彥  
羅綺盡名倡  
隔岸聞歌度  
臨池見舞行  
門庭寒變色  
柴戟日生光  
家園遙可見  
臺寺近相望  
無庸乘侍謁  
有暇共翱翔  
棣華依雁序  
竹葉拂鸞觴  
水坐憐秋月  
山行弄晚芳  
恩華慙服冕  
友愛勗垂堂  
無由報天德  
相顧詠時康

崔日知

奉酬韋祭酒偶遊龍門北谿

公兼出處攜妓翫林泉鳴騶噴梅雪飛蓋曳松烟聞琴  
幽谷裏看奕古巖前落日低幃帳歸雲繞管絃叨榮慙  
北闕微尚愛東田寂寞灰心盡蕭條塵事捐朝思登嶺  
絕夜夢弄潺湲宿懷南澗意况覩北谿篇

同日知光祿弟冬日述懷

吾族白眉良才華動洛陽觀光初入仕應宿始為郎飛  
螢散書籍白鳳吐文章海峽逾往雅河尹冠前張擇才  
綏鄔郢殊化被江湘高樓臨廣陌甲第敞通莊列館邛

君臣道姬書日月懸從師改炎燠負笈徧山川上異西  
河夏中非北海玄光榮拾青紫名價接通賢既重萬鍾  
樂寧思二頃田長戟同分虎高冠亞附蟬晚懷重虛曠養  
志息雕鐫登高慙思拙匠物謝情研不慕張平子寧希  
王仲宣誰謂登龍日翻成刻鵠年循循勞善誘軋軋思  
微牽琢磨才既竭鑽仰德彌堅朽木誠為喻捫心徒自  
憐終朝吞烏夢振羽上雲烟賦成先擲地詞高直挾天  
更執摠衣禮仍開函丈筵霧披槐市藹水靜璧池圓願



夙齡秉微尚中年忽有隣以茲山水癖遂得狎通人迨  
我咸京道聞君別業新巖前窺石鏡河畔踏芳茵既憐  
伊浦綠復憶灞池春連詞謝家子同歡冀野賓趣閒魚  
共樂情洽鳥來馴詎念昔遊者祇命獨留秦蕭條潁陽  
戀沖漠漢陰真無由陪勝躅空此翫書筠

冬日述懷奉呈蘭臺諸公

弱齡好經籍披卷即怡然覃精四十載馳騁數千言孔  
壁采遺篆周韋考絕編哀公論劒術孫子叙兵篇魯史

逐從風葉飛舞翰林前

司馬逸客

雅琴篇

亭亭嶧陽樹落落千萬尋獨抱出雲節孤生不作林影  
搖綠波水彩絢丹霞岑直幹思有託雅志期所任匠者  
果留盼雕斲為雅琴文以楚山玉錯以昆吾金虬鳳吐  
竒狀商徵含清音清音雅調感君子一撫一弄懷知己  
不見鍾期百年餘還憶朝朝幾千里馬卿臺上應蕪沒

阮籍惟前空已矣山情水意君不知拂匣調絃為誰理  
調絃拂匣倍含情況復空山秋月明隴水悲風已嗚咽  
離鷓別鶴更淒清將軍塞外多竒操中散林間有正聲  
正聲諧風雅欲竟此曲誰知者自言幽隱乏先容不道  
人物知音寡誰能一奏和天地誰能再舞歡朝野朝野  
歡娛樂未央車馬駢闐盛彩章歲歲汾川事簫鼓朝朝  
伊水聽笙簧窈窕樓臺臨上路妖嬈歌舞出平陽彈絃  
本自稱仁祖吹管由來許季長猶憐雅歌淡無味淶水

白雲誰相貴，還將逸調賞。幽心不覺繁，聲論遠意傳。聞  
樂帝奏鈞，天倘冀微躬。備五絃，願持東武宮。商韻長奉  
南薰億萬年。

李如璧

明月篇

三五月華流，烟光可憐懷。歸郢路長逾，江越漢津無。梁  
遙遙永夜思，茫茫昭君失。寵辭上宮娥，眉嬋娟卧穗穹。  
胡人琵琶彈北風，漢家音響絕南鴻。昭君此時怨畫工。

可憐明月光  
瞳矓節既秋  
兮天向寒沅  
有漪兮湘有瀾  
沅湘亂合嶽  
漫漫洛陽才  
子憶長安可  
憐明月復團  
團  
逐臣戀主心  
愈怙棄妻思  
君情不薄已  
悲芳歲徒淪  
落  
復恐紅顏坐  
銷鑠可憐明  
月方照灼向  
影傾身比葵  
藿

盧崇道

新都南亭別郭大元振

竹徑女蘿蹊  
蓮洲文石隄  
靜深入俗斷  
尋翫往還迷  
碧潭秀初月  
素林驚夕栖  
褰幌納烏侶  
罷琴聽猿啼  
佳辰

改夙昔勝寄坐睽攜長懷賞心愛如玉復如珪

賈曾

和宋之問下山歌

良遊晼晼兮月呈光錦路逶迤兮山路長  
王孫留兮歲將宴嵩巖仙草兮為誰芳

奉和春日出苑矚目應令

銅龍曉闢問安迴金輅春遊博望開渭水晴光搖草樹  
終南佳氣入樓臺招賢已從商山老託乘還徵鄴下才

臣在東周獨留滯忻逢膚藻日邊來

閭丘均

臨水亭

高館基曾山微幕生花草傍對野村樹下臨車馬道清  
朗悟心術幽遐備瞻討迴合峰隱雲睽綿渚縈島氣似  
滄洲勝風為青春好相及盛年時無令歎衰老

張紘

行路難

君不見溫家玉鏡臺提攜把握九重來君不見相如綠  
綺琴一撫一拍鳳皇音人生意氣須及早莫負當年行  
樂心荆王奏曲楚妃歎曲盡歡終夜將半朱樓銀閣正  
平生碧草青苔坐蕪漫當春對酒不須疑視日相看能  
幾時春風吹盡燕初至此時自謂稱君意秋露萎草鴻  
始歸此時衰暮與君違人生翻覆何常定誰保容顏無  
是非

張法



閨怨

去年離別雁初歸  
今夜裁縫螢已飛  
征客未來音信斷  
不知何處寄邊衣

王丘

奉和聖製答張說扈從南出雀鼠谷

襟帶三秦接旂常  
萬乘過陽原  
淑氣早陰谷  
沍寒多花  
縟前茅  
仗霜嚴  
後殿  
戈代雲  
開晉嶺  
江雁入  
汾河北  
土  
分堯俗  
南風動  
舜歌  
一聞  
天樂  
唱  
恭  
遂  
萬  
人  
和

崔翹

送友人使夷陵

猿鳴三峽裏，行客舊沾裳。  
復道從茲去，思君不暫忘。  
開襟春葉短，分手夏條長。  
獨有幽庭桂，年年空自芳。

奉和聖製答張說南出雀鼠谷

硤路繞河汾，晴光掃曙氛。  
笳吟中嶺樹，仗入半峰雲。  
頓覺山原盡，平看邑里分。  
早行芳草遠，晚憇好風薰。  
嘉頌推英宰，春遊扈聖君。  
共欣承睿渥，日月照天文。

鄭郎中山亭

篆筆飛章暇園亭染翰遊地竒人境別事遠俗塵收書  
閣山雲起琴齋澗月留泉清鱗影現樹密鳥聲幽杜馥  
熏梅雨荷香送麥秋無勞置驛騎文酒可相求

梁知微

入朝別張燕公

華容佳山水之子厭承明符竹紆小郡江湖被德聲三  
年計吏入路指巴丘城鳧舟纜結纜騎駕已相迎別離

他鄉酒委曲，故人情孤嶼。早烟薄，長波晚，氣清辛勤方。  
遠鷺勝賞，屢難并。迴瞻洞庭浦，日暮愁雲生。

王熊

奉別張岳州說二首

長沙辭舊國，洞庭逢故人。薰蘭敦久要，披霧轉相親。  
歲月空嗟老，江山不惜春。忽聞黃鶴曲，更作白頭新。

平生共風月，倏忽間山川。不期交淡水，暫得款忘年。  
興逸方罷釣，帆開欲解船。離心若危旆，朝夕為君懸。

王琚

奉答燕公

郡遠途且艱宜悲良自得胡為心獨爾惠好在南國亦  
既清顏披罔然良願克與君蘭時會羣物如藻飾烟景  
惜歡賞雲山起翰墨接藝竒思微偶談玄言直永日不  
知倦逾旬猶謂亟如何酌離樽移棹已城側浦口勞長  
望舟中獨太息疾風吹飛帆倏忽南與北日晝不復見  
懷哉無終極惟當衡峰上遙辨湖水色

美女篇

東鄰美女實名娼絕代容華無比方濃纖得中非短長  
紅素天生誰飾妝桂樓椒閣木蘭堂繡戶雕軒文杏梁  
屈曲屏風遶象牀葳蕤翠帳綴香囊玉臺龍鏡洞徹光  
金爐沈烟酷烈芳遙聞行佩音鏘鏘含嬌欲笑出洞房  
二八三五閨心切褰帷捲幔迎春節清歌始發詞怨咽  
鳴琴一弄心斷絕借問哀怨何所為盛年情多心自悲  
須臾破顏忽斂態一悲一喜併相宜何年見此不注心

惜無媒氏為傳音可憐盈盈直千金誰家君子為蒙妬  
自荆湖入朝至岳陽奉別張燕公

五載朝天子三湘逢舊僚扁舟方輟棹清論遂終朝  
遠樹烟間沒長池地際遙帝城馳夢想歸帆滿風颭

遊澗湖上寺

春山臨遠壑水木自幽清夙昔懷微尚茲焉一放情  
雲間聽弄鳥烟上摘初英地僻方無悶逾知道思精

裴淮

奉和聖製龍池篇

乾坤啟聖吐龍泉  
泉水年年勝一年  
始看魚躍方成海  
即覩龍飛利在天  
洲渚遙將銀漢接  
樓臺直與紫微連  
休氣榮光恒不散  
懸知此地是神仙

奉和御製平胡

玄漠聖恩通由來書軌同  
忽聞窺月滿相聚寇雲中  
廟略占黃氣神兵出絳宮  
將軍行逐虜使者亦和戎  
一舉輾輻滅再麾沙漠空  
直將威禁暴非用武為雄  
飲至明



軍禮酬勲錫武功千戈還載戢丈德在唐風

康廷芝

詠月

天使下西樓光含萬里秋臺前疑挂鏡簾外似懸鉤張  
尹將眉學班姬取扇儔佳期應借問為報在刀頭

韓休

奉和御製平胡

南牧正紛紛長河起塞氛玉兵徵選士金鉞拜將軍疊

鼓搖邊吹連旌暗朔雲  
祆星乘夜落害氣入朝分  
始見幽烽警俄看烈火焚  
功成奏凱樂戰罷策歸勲  
威德陳清廟神謨屬大君  
叨榮逢偃羽率舞詠時文

奉和聖製送張說巡邊

一德先台象三軍掌夏卿  
來威申廟略出總叶師貞  
受鉞辭金殿憑軒去鼎城  
曙光搖組甲疎吹遶雲旌  
左律方先凱中輦即訓兵  
定功彰武事陳頌紀天聲  
祖宴初留賞宸章更寵行  
車徒零雨送林野夕陰生  
路極河流

遠川長朔氣平南轅遲返旆歸奏謁承明

王光庭

奉和聖製答張說扈從出雀鼠谷

省俗恩將徧巡方路稍迴寒隨汾谷盡春逐晉郊來雲  
騎傳行漏烟旄引從臺惠風初應律和氣正調梅雅頌  
通宸詠天文接曙台灞陵桃李色應待日華開

梁昇卿

前題

何意重關道千年過聖皇  
幽林承睿澤閑客見清光  
日御先途遠山靈獻壽長  
寒雲入晉薄春樹隔汾香  
國佐同時雨天丈屬歲陽  
從來漢家盛未若此巡方

宋鼎

酬故人還山

舉棹乘春水歸山撫歲華  
碧潭宵見月紅樹晚開花  
肅穆輕風度依微隱徑斜  
危亭暗松石幽澗落雲霞  
思鳥吟高樹游魚戲淺沙  
安知餘興盡相望紫烟賒

孫翊

奉酬張洪州九齡江上見贈

受命讞封疆逢君收豫章於然審虞芮復爾共舟航  
別秋陰盡懷歸客思長江皋枉離贈持此慰他鄉

楊齊哲

過函谷關

地險峻函北途經分陝東逶迤衆山盡荒涼古塞空河  
光流曉日樹影散朝風聖德今無外何處是關中

蔡瓌

夏日閨怨

桃徑李蹊絕芳園炎氛熾日滿愁軒枝上烏鷺朱槿落  
池中魚戲綠蘋翻君戀京師久留滯妾怨高樓積年歲  
非關曾入楚王宮直為相思腰轉細卧簟乘閒乍逐涼  
薰爐畏熱懶焚香雨霑柳葉如啼眼露滴蓮花似汗妝  
全由獨自羞看影艷是孤眠疑夜永無情拂鏡不成妝  
有時卻扇還風靜近日書來道欲歸鴛鴦文錦字息機

但恐愁容不相識為教恒著別時衣

邢象玉

古意

家中酒新熟園裏葉初榮  
停杯欲取醉悒然思友生  
忽聞有奇客何姓復何名  
嗜酒陶彭澤能琴阮步兵  
何須問寒暑徑共坐山亭  
舉袂祛袿啼鳥揚巾掃落英  
心神無俗累歌詠有新聲  
新聲是何曲滄浪之水清

徐玄之

采蓮

越艷荆姝慣采蓮  
蘭橈畫楫滿長川  
秋來江上澄如練  
映水紅妝如可見  
此時蓮浦珠翠光  
此日荷風羅綺香  
纖手周遊不暫息  
紅英爛熳殊未極  
夕鳥棲林人欲稀  
長歌哀怨采蓮歸

虞羽客

結客少年場行

幽并俠少年  
金絡控連錢  
竊符方救趙  
擊筑正懷燕  
輕



生辭鳳闕揮袂上祈連陸離橫寶劍出沒鷺徂旃蒙輪  
恒顧敵超乘忽爭先摧枯逾百戰拓地遠三千骨都魂  
已散樓蘭首復傳龍城含宿霧瀚海接遙天歌吹金微  
返振旅玉門旋烽火今已息非復照甘泉

張烜

婕妤怨

賤妾裁紈扇初搖明月姿君王看舞席坐起秋風時玉  
樹清御路金鋪翳垂絲昭陽無分理愁寂任前期

張修之

長門怨

長門落景盡洞房秋月明玉階草露積金屋網塵生妾  
妬今應改君恩昔未平寄語臨邛客何時作賦成

庾光先

奉和劉採訪緡雲南嶺作

百越城池枕海圻永嘉山水復相依懸蘿弱篠垂清淺  
宿雨朝暎和翠微烏訝山經傳不盡花隨月令數仍稀

幸陪謝客題詩句誰與王孫此地歸

王易從

臨高臺

漢主事祈連良人在高闕空臺寂已暮愁坐變容髮  
泛艷春愧風徘徊秋戶月可憐軍書斷空使流芳歇

司馬承禎

答宋之問

時既暮兮節欲春山林寂兮懷幽人登竒峰兮望白雲

悵緬邈兮象欲紛白雲悠悠去不返寒風颼颼吹日晚  
不見其人誰與言歸坐彈琴思逾遠

釋辯才

設缸面酒款蕭翼探得來字

初醞一缸開新知萬里來披雲同落寔步月共徘徊夜  
久孤琴思風長旅雁哀非君有祕術誰照不然灰

釋法輪

觀大駕出敘事寄懷

紫臺宵漏竭青門曙鼓通輕霞照複道徐吹轉相風玉  
鑿光萬騎金輿鬱五戎鳴笳猶度闕清蹕尚喧宮雲旗  
亂陌紫羽旆雜塵紅百城歸北麗兩漢久慙雄吾曹陋  
薄枝餘慶洽微躬平原已起洛印手亦還豐得奉衣冠  
盛仍觀書軌同猶言待封告未忍向華嵩

石倉歷代詩選卷一百十五

欽定四庫全書

集部

石倉歷代詩選卷一百六十九

詳校官庶吉士臣范逢恩

侍讀臣孫球覆勘

總校官進士臣朱鈞

校對官中書臣葉蘭

騰錄監生臣李師弼

雲抗直意郡閣晦高名坐嘯應無欲寧辜濟物情

盧鴻

字顥然其先范陽人徙居洛陽

草堂

山為宅兮草為堂芝蘭兮藥房  
羅薜蕪兮拍薜荔荃壁兮蘭砌  
薜蕪薜荔兮成草堂陰陰遂兮馥馥  
香中有人兮信宜常讀金書兮飲玉漿  
童顏幽操兮不易長

越館

紫巖隈兮青嶼側雲松烟蕙兮千古色  
芳薜薜兮蔭蒙

欽定四庫全書

石倉歷代詩選卷一百十六

明 曹學佺 編

唐九十九

拾遺 三

崔頌

開元中為荆  
州郎司馬

和張荆州九齡晨出郡舍林下

優閒表政清林薄賞秋成江上懸曉月往來虧復盈天



龍幽人構館兮在其中  
霏靡蒙龍兮開樾館  
卧風霄兮坐報旦  
粵有賓兮時戾止  
樵蘇不爨兮清談已  
永歲終朝兮常若此

期仙磴

霏微陰壑兮氣騰虹  
迤邐危磴兮上凌空  
青霞杪兮紫雲垂  
鸞歌鳳舞兮吹參差  
鸞歌鳳舞兮期仙磴  
鴻駕迎兮瑶草贈  
山中入兮好神仙  
想像聞此兮欲升烟  
鑄月煉液兮竚還年

金碧潭

水碧色兮石金光  
灑熠熠兮澗湟湟  
泉葩映兮烟蕩臨  
紅灼灼兮翠陰陰  
翠相鮮兮金碧潭  
霜天洞兮烟景涵  
有幽人兮好冥絕  
炳其煥兮凝其潔  
悠悠千古兮長不  
滅

李適之

一名昌恒山  
冰乾之孫

朝退

朱門長不避親友  
恣相過年今將半  
百不樂復如何

罷相作

避賢初罷相樂聖且銜杯為問門前客今朝幾箇來

蕭華

徐國公  
萬子

扈從迴鑿應制

粵在秦京日議乎封禪難豈知陶唐主道濟蒼生安惟  
彼烈祖事增修實榮觀聲名朝萬國玉帛禮三壇纂聖  
德重光建元功載刊仍開舊馳道不記昔迴鑿羽衛搖  
晴日方戈生早寒猶思簡玉處却望白雲端

崔宗之

名成輔  
以字行

贈李十二白

涼風八月白露空  
園庭耿耿不意暢  
稍稍風葉聲  
思見雄俊士  
共話今古情  
李侯忽來儀  
把袂苦不早  
清論既抵掌  
玄談又絕倒  
分明楚漢事  
歷歷王霸道  
擔囊無俗物  
訪古千里餘  
袖有匕首劍  
懷中茂陵書  
雙眸光照人  
詞賦凌子虛  
酌酒絃素琴  
霜氣正凝潔  
平生心中事  
今日為君說  
我家有別業  
寄在嵩之陽  
明月出高岑  
清

谿澄素光雲散牕戶靜風吹松桂香子若同斯遊千載  
不相忘

蕭昕

字中明梁鄆陽王  
七世孫世居河南

臨風舒錦

麗錦足云終檐檐展向風花開翻覆翠色亂動搖紅縷  
散悠揚裏丈迴照灼中低垂疑步障吹起作晴虹既與  
丘遲夢深知卓氏功還鄉將製服從此表亨通

蘇源明

洞庭吟

小洞庭兮寓方舟風嫋嫋兮離平流寓方舟兮小洞庭  
雲微微兮連絕巘層瀾壯兮緬以沒重巖轉兮超以忽  
馮夷逝兮護輕橈蛟龍行兮落增潮泊中潮兮澹而閒  
並曲淑兮悵而還適余予兮非予期將解袂兮藁予思  
尚君子兮壽厥身承明主兮憂斯人

敬括

字叔弓  
河東人

省試七月流火

前庭一葉下言念忽悲秋  
變節金初至分寒火正流  
氣舍涼夜早光拂夏雲收  
助月微光散沿河麗景浮  
禮標時令爽詩興國風幽  
自此觀邦正深知王業休

閻丘曉

官至  
刺史

夜渡淮

舟人自相報落日下芳潭  
夜火連淮市春風滿客帆  
水窮滄海畔路盡小山南  
且喜鄉園近言榮意未甘

徐浩

寶林寺作

見石刻

茲山昔飛來，遠自琅瑯臺。孤岫龜形在，深泉鱗井開。越  
王屢登陟，何相傳詞才。塔廟崇其巔，規模稱壯哉。禪堂  
清澗潤，高閣無恢矣。照耀珠吐月，鏗轟鐘隱雷。揆余久  
纓弁，末路遭遭迴。一棄滄海曲，六年稽嶺隈。逝川惜東  
駛，馳景憐西頽。腰帶愁疾減，容顏衰悴催。賴居茲寺中，  
法士多瓌材。洗心聽經論，禮足蠲凶災。永願依勝侶，清  
江乘度杯。



鄭審

酒席賦得匏瓢

華閣與賢開，仙瓢自遠來。  
幽林嘗伴許，陋巷亦隨回。  
桂影憐紅壁，傾心向綠杯。  
何曾斟酌處，不使玉山頹。

奉使巡簡兩京路種果樹事畢入秦因詠

聖德周天壤，韶華滿帝畿。  
九重承渙汗，千里樹芳菲。  
陝塞餘陰薄，關河舊色新。  
發生和氣動，封植衆心歸。  
春露條應弱，秋霜果定肥。  
影移行子蓋，香撲使臣衣。  
入徑迷

馳道分行接禁闈何當扈仙蹤攀折奉恩輝

王岳靈

聞漏

建禮含香處重城待漏臣徐聞傳鳳詔曉唱辨鷄人銀  
箭殘將盡銅壺漏更新催籌當午夜移刻及三辰杳杳  
從天遠泠泠出禁頻直疑殘漏曙肅肅對鈞陳

喬琳

綿州越王樓卽事

三蜀澄清郡政閒登樓攜酌日躋攀頓覺胸懷無俗事  
迴看掌握是人寰灘聲曲折涪州水雲影低銜富樂山  
行雁南飛似鄉信忽然西笑向秦關

周萬

送沈芳謁李觀察求仕進

往日長安路歡遊不惜年為貪盧女曲用盡沈郎錢身  
老方投刺途窮始著鞭猶聞有知己此去不徒然

顧朝陽

昭君怨

莫將鉛粉匣不用鏡花光  
一去邊城路何情更畫妝  
影銷胡地月衣盡漢宮香  
妾死非關命都緣夢斷腸

崔亘

春怨

夜盡夢初驚紗牕早霧明  
曉粧脂粉薄春服綺羅輕  
妾有今朝恨君無舊日情  
愁來理絃管皆是斷腸聲

褚朝陽

登聖善寺閣

飛閣青霞裏先秋獨早涼  
天花散窻近月桂拂簷香  
華岳三峯小黃河一帶長  
空間指歸路烟際有垂楊

魏萬

金陵酬李翰林

君抱碧海珠我懷藍田玉  
各稱希代寶萬里遙相燭  
長卿慕蘭久子猷意已深  
平生風雲人暗合江海心  
去秋忽乘興命駕來東土  
謫仙遊梁園愛子在鄒魯  
二處一

不見拂衣向江東五兩挂淮月扁舟隨海風南遊吳越  
徧高揖二千石雪上天台山春逢翰林伯宣父敬項橐  
林宗重黃生一長復一少相看如弟兄惕然意不盡更  
逐西南去同舟入秦淮建業龍盤處楚歌對吳酒借問  
承恩初宮買長門賦天迎駟馬車才高世難容道廢可  
推命安石重攜妓子房空謝病金陵百萬戶六代帝王  
都虎石據西江鍾山臨北湖二山信為美王屋人相待  
應為歧路多不知歲寒在君遊早晚還勿久風塵間此

別未遠別秋期到仙山

周瑀

潘司馬別業

門對青山近汀牽綠草長寒深包晚橘風緊落垂楊湖  
畔聞漁唱天邊數雁行蕭然有高士清思滿書堂

送潘三入京

故人嗟此別相送出烟垞柳色分官路荷香入水亭離  
歌未盡曲酌酒共忘形把手河橋上孤山日暮青

薛業

洪州客舍寄柳博士芳

去年燕巢主人屋今年花發路傍枝  
年年為客不到舍  
舊國存亡那得知胡塵一起滿天下  
何處春風無別離

晚秋贈張折衝

都尉今無事時清但閉關  
夜霜戎馬瘦秋草射堂閒  
位以穿楊得名因折桂  
還馮唐真不遇歎息鬚毛斑

趙良器



三月三日曲江侍宴應制

聖祖發神謀靈符叶帝求一人光錫命萬國荷時休雷  
解園丘畢雲需曲水遊岸花迎步輦仙仗擁行舟睿藻  
天中降恩波海外流小臣同品物陪此樂皇猷

豆廬復

昌年宮作

但有離宮處君王每不居旗門芳草合輦路小槐踈殿  
閉山烟滿窓凝野靄虛豐年多望幸春色待鑿輿

落第歸鄉留別長安主人

客裏愁多不記春  
聞鶯始歎柳條新  
年年下第東歸去  
羞見長安舊主人

黃麟

郡中客舍

蟲響亂啾啾  
更人正數籌  
魂歸洞庭夜  
霜卧洛陽秋  
微月有時隱  
長河到曉流  
起來還囑雁  
鄉信在吳洲

孫欣

奉試冷井

仙闈井初鑿靈液沁成泉色湛青苔裏寒凝紫綆邊銅  
餅向影落玉甃抱虛圓永願調神鼎堯時泰萬年

樊冕

南中感懷

南路蹉跎客未回常嗟物候暗相催四時不變江頭色  
十月先開嶺上梅

徐九皋

關山月

玉塞抵長城金徽映高闕遙心萬餘里直望三邊月霜  
靜影逾懸露稀光漸沒思君不可見空歎聲焉歇

戰城南

塞北狂胡旅城南敵漢圍巉巖一鼓氣拔利五兵威虜  
騎瞻山哭王師拓地飛不應須寵戰當逐勒金微

詠史

亡國秦韓代榮身劉項年金槌擊政後玉斗碎增前聖

主稱三傑明離保四賢已申黃石祭方慕赤松仙

途中覽鏡

四海遊長倦百年行半侵賴窺明鏡裏時見丈夫心

梁德裕

感遇

幽澗生蕙若幽渚老江籬榮落人不見芳香徒爾為不  
及綠萍草生君紅蓮池左右美人弄朝夕春風吹葉洗  
玉泉水珠清湛露滋心亦願如此託君知不知

鄭紹

遊越谿

谿水碧悠悠  
猿聲斷客愁  
漁潭逢釣楫  
月浦值孤舟  
訪泊隨烟火  
迷途視斗牛  
今宵越鄉意  
還取醉忘憂

王羨門

都中間居

君王巡海內  
北闕下明臺  
雲物天中少  
烟花歲後來  
河從御苑出  
山向國門開  
寂寞東京裏  
空留賈誼才

殷寅

銓試後徵山別業寄源侍御

別業在徵山登高望畿甸巖令天地肅城闕如何見  
藹王侯門華軒日遊街幸逢休明代山虜尚交戰投策  
去園林率名皆拜選聖君性則哲濟濟多英彥裴楷能  
清通山濤急推薦笥才甘自屏薄伎忝餘眷雖承國士  
恩尚乏中人援疇昔相知者今茲秉天憲朱紱何赫赫  
繡衣復葱蒨

玄元皇帝應見賀聖祚無疆

應歷生周日修祠表漢年復茲秦嶺上更似霍山前昔  
贊神功啟今符聖祚延已題金簡字仍訪玉堂仙睿祖  
光元始曾孫體又玄言因六夢接慶叶九齡傳北闕心  
超矣南山壽固然無由同拜慶竊抃賀陶甄

馮待徵

虞姬怨

妾本江南採蓮女君是江東學劍人逢君遊俠英雄日



值妾年華桃李春年華灼灼艷桃李結髮簪花配君子  
行逢楚漢正相持辭家上馬從君起歲歲年年事征戰  
侍君帷幄損紅顏不惜羅衣沾馬汗不勞紅粉著刀環  
相期相許定關中鳴鑿鳴珮入秦宮誰誤四而楚歌起  
果知五星漢道雄天時人事有興滅智窮計屈心摧折  
澤中馬力先戰疲帳下蛾眉轉消歇君王自是無神彩  
賤妾此時容貌改拔山意氣都已無渡江面目今何在  
終天隔地與君辭恨似流波無息時使妾本來不相識

豈見中途懷苦悲

張南容

靜女歌

靜女樂于靜動合古人則妙年工詩書弱歲勤組織端  
居愁若癡誰復理容色十五坐幽閨四隣不相識天天  
隣家子百花裝首飾日日淇上遊笑人不踰閩河水自  
濁濟自清仙臺蛾眉秦鏡明為照齊王門下醜何如漢  
帝掌中輕

林琨

失題

清晨孤亭裏極目對前岑  
遠與天水合長霞生夕林  
蒼然平楚意杳靄半秋陰  
落日川上盡闕城雲外深  
方予事巖壑及此欲抽簪  
侍就蓬萊道還茲契宿心

胡衡

銜命使日本國

銜命將辭國非才忝侍臣  
天中戀明主海外憶慈親  
伏

奏違金闕駢駢去玉津蓬萊鄉路遠若木故園隣西望  
懷恩日東歸感義辰平生一寶劍留贈結交人

賈彥璋

晚霽登汝南大雲閣

禪宮新歇雨香閣晚登臨  
邑樹晴光起川苗佳氣深  
水包城下岸雲細郢中岑  
自歎牽卑日聊開望遠心

戴休珽

古意

窮秋朔風起滄海愁陰漲虜騎掠河南漢兵屯灞上羽  
書驚沙漠刁斗喧亭障闕塞何蒼茫遙烽遞相望弱齡  
負竒節俠客多招訪投筆棄儒生提戈逐飛將

張漸

明月篇

朗月照簾幌清夜有餘姿洞房怨孤枕挾瑟愛前墀萱  
草已數葉梨花復偏枝去歲草始榮與君新相知今年  
花未落誰分生別離代情難重論人事好乖移合比月

華滿分同月易虧虧月當再圓人別星隕天吾欲竟此  
曲意深不可傳歎息孤鸞鳥傷心明鏡前

杜顥

從軍行

秋草馬蹄輕角弓持弦急去為龍城侯正值胡兵襲軍  
氣橫大荒戰酣日將入長風金鼓動白露鐵衣濕四起  
愁邊聲南嶽時佇立斷蓬孤自轉寒雁飛相及萬里雲  
沙漲平川冰霰澀夜聞漢使歸獨向刀環泣

故絳行

君不見銅鞮觀數里城池已蕪沒君不見虎祁宮幾重  
臺榭亦微濛介馬兵車全盛時歌童舞女妖艷姿一代  
繁華皆共絕九原惟望塚纍纍

張光朝

荻塘西莊贈房元垂

門在荻塘西塘高何聯聯往昔分地利遠近無閒田水  
國信汙下霖霖卽成川苗稼盡湮沒茲鄉獨豐年家肥

待親懿人樂思管絃日晏始能起盥漱看厨烟醞酒寒  
正熟養魚長食鮮黃昏鐘未鳴偃息早已眠何意久城  
市寂寥丘中緣俛仰在顏色區區人事間憶昔炎漢時  
乃知綺季賢靜默不能仕養老終南山

天門街西觀崇王聘妃

仙媛來朱邨名山出紫微三周初展義百兩遂言歸鄭  
國通梁苑天津接帝畿橋成烏鵲助蓋轉鳳皇飛霜仗  
迎秋色星鈺滿夜輝從茲磐石固應為得賢妃



梁鉉

天門街西觀榮王聘妃

帝子乘龍夜三星照戶前  
兩行宮火出十里道鋪筵羅  
綺明中識簫韶暗裏傳燈攢九華  
扇帳撒五銖錢交頸  
文駕合和鳴彩鳳連欲知來日美  
雙拜紫微天

無名氏

昔昔鹽

碧落風烟外遙臺道路賒  
如何連御苑別自有仙家此

地回雕輦緣溪滿翠華洞中明月夜牕下發烟霞

甘州

欲使傳消息空書意不任寄君明月鏡偏照故人心

被袂曲二首

昨見春條綠那知秋葉黃蟬聲猶未斷塞鴻已成行  
金谷園中柳春來自舞腰那堪好風景獨上洛陽橋

石倉歷代詩選卷一百十六

欽定四庫全書

石倉歷代詩選卷一百十七

明 曹學佺 編

唐一百三

拾遺 四

馮著 廣州錄事

短歌

寂寂草中蘭  
亭亭山上松  
貞芳日有分  
生長耐相容  
結

根各得地幸霖雨露功參辰無停泊且顧一西東君但  
開懷抱猜恨莫匆匆

洛陽道

洛陽宮中花柳春洛陽道上無行人皮裘羶帳不相識  
萬戶千門閉春色春色深君王一去何時尋春色深春  
雨灑周南一望堪淚下蓬萊殿中寢胡人鷓鴣樓前放  
胡馬聞君欲入西秦行君行不用過天津天津橋上多  
胡塵洛陽道上愁殺人

行路難

男兒轆軻徒搔首入市脫衣且沽酒行路難權門慎勿  
干平人爭路相催殘春秋四氣相迴換人事何須再三  
歎君不見雀為蛤鷹為鳩東海成田谷為岸負薪客歸  
去來龜反顧鶴徘徊黃河東岸上負薪起塵埃相逢未  
相識何用強相猜行路難故山應不改茅舍深溪在白  
酒杯中聊一歌蒼蠅蒼蠅奈爾何

燕銜泥

雙燕碌碌飛入屋屋中老人喜燕歸徘徊繞我牀頭飛  
去年為爾逐黃雀雨多屋漏泥土落爾莫厭老翁茅屋  
低梁頭作窠梁下棲爾不見東家黃鸝鳴嘖嘖蛇盤瓦  
溝鼠穿壁豪家大屋爾莫居驕兒少婦採爾雛井傍寫  
水泥自足銜泥上屋隨爾欲

竇叔向

字遺直京兆扶風人子常年羣庠鞏

寒食賜火

恩光及小臣華燭忽驚春電影隨中使星輝拂路人幸

因榆柳煖一照草茅貧

春日早朝應制

紫殿俯千官春松應合歡御爐香焰煖馳道玉聲寒乳  
燕翻珠綴祥鳥集露盤宮花一萬樹不敢舉頭看

秋砧送包大夫

斷續長門夜清冷逆旅秋征夫應待信寒女不勝愁帶  
月飛城上因風散陌頭離居偏入聽沉復送行舟

過擔石湖

曉發魚門戍晴看擔石湖日銜高浪出天入四空無咫尺分洲島纖毫辨舳艫渺然從此去誰念客帆孤

貞懿皇后挽歌

後庭攀畫柳上陌咽清茄命婦羞蘋葉都人插奈花壽宮星月異仙路往來賒縱有迎神術終悲隔絳紗

夏夜宿袁兄宅話舊

夜合花開香滿庭夜深微雨醉初醒遠書珍重何曾達舊事淒涼不可聽去日兒童皆長大昔年親友半凋零



明朝又是孤舟別，愁對河橋酒幔青。

竇常

客中逢立春寄懷郇伯

浪迹終年客，驚心此地春。  
風前獨去馬，澤畔耦耕人。  
老大交情重，悲哀物外親。  
子雲今在宅，應見柳條新。

寒食日次松滋渡先寄劉員外

杏花榆莢曉風前，雲際離離上峽船。  
江轉數程淹驛騎，楚曾三戶少人烟。  
看春又過清明節，算老重經癸巳前。

幸有佳山當郡舍在朝常詠卜居篇

七夕寄懷

露盤花水望三星  
髣髴虛無降匹靈  
斜漢沒時人不寐  
幾條蛛網下風庭

商山祠堂即事

奪嫡心萌事可憂  
四賢西笑暫安劉  
後王不敢論珪組  
土偶人前枳樹秋

過宋氏五女舊居

謝庭風韻婕妤才天縱斯文去不回一宅柳花今似雪  
鄉人擬築望仙臺

杏山館聽子規

楚塞餘春聽漸稀斷猿今夕讓霑衣雲蘿老樹空山裏  
鬢髻千聲一度飛

竇牟

秋夕閤居對雨贈別盧坦

燕燕辭巢蟬蛻枝窮居積雨壞藩籬夜長簷溜寒無寢

日晏厨烟濕未炊悟主一言那可學從軍五百竟徒為  
故人駿馬朝天使洛下秋聲恐要知

奉酬楊侍郎

翠羽雕蟲日日新翰林工部欲何神自悲抱瑟無彈處  
今作關西門下人

杏園渡

衛郊多壘少人家南渡天寒日又斜君子素風悲已矣  
杏園無復一枝花

奉誠園閒笛

曾絕朱纓吐錦茵  
欲披荒草訪遺塵  
秋風忽灑隣園淚  
滿目山陽笛裏人

酬舍弟庠罷舉從辟

之荆且願依劉表  
折桂終慚見郤詵  
舍弟未應緣作髻  
園公不用印隨身

實羣

初入諫司喜家室至

一旦悲歡見孟光十年辛苦伴滄浪不知筆硯緣封事  
猶問傭書日幾行

送內弟袁德師

南渡登舟即水仙西園有客思悠然因君相問為官意  
不賣毗陵負郭田

晚自臺中歸

白髮駸駸生有涯青襟曾愛紫河車自憐悟主難歸去  
馬上看山恐到家

寶庫

靈臺鎮

曉日天山雪半晴  
紅旗遙識漢家營  
近來胡騎休南牧  
羊馬城邊春草生

贈道芬上人

善畫  
松石

雲濕烟村不可闕  
畫時惟有鬼神知  
幾回逢著天台客  
認得巖西最老枝

陪留守巡內至上陽宮感興二首

金少曰卷之二  
卷一百十七  
翠輦西歸七十春  
玉堂珠綴儼埃塵  
武皇弓劍藪何處  
泣問上陽宮裏人

愁雲漠漠草離離  
太液鈎陳處處疑  
薄暮毀垣春雨裏  
殘花猶發萬年枝

寶鞏

早春送宇文十

春遲不省似今年  
二月無花雪滿天  
村店閉門何處宿  
夜深遙喚渡江船



秋夕

護霜雲映月朦朧  
烏雀爭飛井上桐  
夜半酒醒人不覺  
滿池荷葉動秋風

襄陽寒食寄宇文籍

烟水初銷見萬家  
東風吹柳萬條斜  
大隄欲上誰相問  
馬踏春泥半是花

永寧小園寄接近校書

故里心期奈別何  
手移芳樹接庭柯  
東臯黍熟君能醉

梨葉初紅白露多

寄南遊弟兄

書來未報幾時還  
知在三湖五嶺間  
獨立衡門秋水澗  
寒鴟飛去日銜山

南遊感興

傷心欲問當時事  
惟有江流去不迴  
日暮東風春草綠  
鷓鴣飛上越王臺

新營別墅寄兄

懶性如今成野人行藏由興不由身莫驚此度歸來晚  
買得山居正值春

宮人斜

離宮路遠北風斜生死恩深不到家雲雨今歸何處去  
黃鸝飛上野棠花

代隣叟

年來七十罷耕桑就暖支羸強下牀滿眼兒孫身外事  
閒梳白髮向殘陽

李泌

字長源號  
白衣宰相

奉和聖製中和節曲江宴百僚

風俗時有變中和節惟新軒車雙闕下宴會曲江濱  
金石何鏗鏘簪纓亦紛綸皇恩降自天品物咸知春  
慈恩匪寰瀛歌詠同君臣

禁中送住山人

子去非長遠君恩取大還補天留采石縮地入青山  
獻壽千年外來朝數月間莫拋殘藥物竊欲駐童顏

裴度

字中立  
聞喜人

奉和中節詔賜公卿尺

陽和行慶賜尺度為臣工荷寵乘佳節傾心立大中短  
長思合製遠近貴攸同初仰裁成德將酬分寸功作程  
施有用垂範播無窮願續延洪壽千春奉聖躬

奉和中書相公集賢院叙懷

翼亮登三命謨猷本一心致齊移祕府祇事見沖襟皓  
月當延閣祥風自禁林相庭方積玉王度已如金運偶

唐虞盛情同丙魏深幽蘭與白雪何處寄庸音

酬張秘書因寄馬贈詩

滿城馳逐皆求馬古寺閑行獨與君代步本慙非逸足  
緣情何幸枉高文若逢佳麗從將換莫共駕駘角出羣  
飛控著鞭能顧我當時王粲亦從君

夏日對雨

登樓逃盛夏萬象正埃塵對面雷噴樹當街雨趁人簷  
踈蛛網重池濕燕泥新吟罷清風起荷香滿四隣

喜遇劉二十八

病來佳興少老去舊遊稀  
笑語縱橫作杯觴絡繹飛

送劉二十八

不歸丹液去銅竹漫云云  
惟喜因過我須知未賀君

雪中訝諸公不相訪

憶昨雨多泥又深猶能攜妓  
遠過尋滿空亂雪花相似  
何事居然無賞心

涼風亭睡覺

飽食緩行新睡覺一甌新茗侍兒煎脫巾斜倚繩牀坐  
風送水聲來耳邊

李郢

遊天柱觀

聽鐘到靈觀仙子喜相尋  
茆洞幾千載水聲寒至今  
讀碑丹井上坐石澗亭陰  
清興未云盡烟霞生夕林

錢塘青山題李隱居西齋

小隱西亭為客開翠蘿深處徧青苔  
林間掃石安棋局



巖下分泉遞酒杯  
蘭葉露光秋月上  
蘆花風起夜潮來  
湖山遠屋猶嫌淺  
欲棹漁舟近釣臺

山行

小田微雨稻苗香  
田畔清谿滴滴涼  
自憶東吳榜舟日  
蓼花溝水半篙強

曉井

桐陰覆井月斜明  
百尺寒泉古甃清  
越女攜鉞下金索  
曉天初放轆轤聲

邵博士谿亭

野茶無限春風葉  
溪水千重返照波  
只去長橋三十里  
誰人一解在帆過

寒食遠望

舊墳新隴哭多時  
流世都堪幾度悲  
烏鵲亂啼人未遠  
野風吹散白棠梨

鮑溶

字德源  
元和進士

怨詩

女蘿寄松栢綠蔓花綿綿三五定君婚結髮早移天  
蕭羊雁禮泠泠琴瑟篇恭承繁祀敢效同居賢皎日  
不留景良時如逝川愁思還通愛春貌無歸妍翠袖洗  
朱粉碧階對綺錢新人易如玉廢瑟難為絃寄美舜華  
木榮君香閣前

苦哉遠征人

征人歌古曲攜手上河梁李陵死別處杳杳歸冥鄉憶  
昔從此路連年征鬼方久行迷漢歷三洗氊衣裳百戰

身且在微功信難忘遠承雲臺議非勢孰敢當落日吊  
李廣白身過河陽閒弓失月影勞劒無龍光去日始束  
髮今來鬢成霜虛名乃閒事生見父母鄉掩仰大風歌  
徘徊少年場誠哉古人言烏盡良弓藏

### 壯士行

西方太白高壯士羞病死心知報恩處對酒歌易水沙  
鴻嗥天末橫劒別妻子蘇武執節歸班超東書起山河  
不足重重在遇知已

歧路

北風送微寒徒旅勤速程憂人席不煖殘月馬上明飄  
飄歧路間長見日初生重嶂曉色淺踈猿寒啼清人間  
多歧路常恐終身行回見四方人車輪無留聲空谷亦  
堪隱下田非懶耕古人有遺訓飽食非親榮我生禮義  
鄉少小見太平賢聖猶羈旅況復非其名

塞上

朔風號薊門殺氣日夜興咸陽三千里鐵馬如饑鷹行

子又去鄉見山不敢登寒日操大野虜雲如飛鵬西北  
防秋軍麾幢宿層冰匈奴天未喪戰鼓長騰騰漢卒馬  
上老琪纓空絲繩誠知天所驕欲罷又不能

織婦詞

百日織采絲一朝停杼機  
人中有雙鳳化作天邊衣使  
人馬如風誠不阻音徽  
影響隨羽翼雙雙遠君飛  
行人豈如願不怨不知歸  
所死天盡處何人見光輝

長城作

蒙公虜生人北築秦氏寃禍興蕭牆內萬里防禍根城  
成六國七宮闕啟千門生人半為土何用空中原奈何  
天下人骨肉尚酬恩投沙擁海水安得不久翻乘高慘  
人魂寒日易黃昏枯骨貫折鐵沙中如有言萬古驪山  
葬誰知野火繁

秋暮山中寄李益端公

舊事與日遠酒花仍舊香前年繡衣客此節過此堂侍  
臣不自高笑解繡衣裳眠雲有餘態入鳥不亂行我恐

雲嵐色損君鞍馬光君言此何言今日皆異鄉明日非  
今日下山道路長一從下山去天地再炎涼此期果難  
得夢君馬玄黃

秋思

胡風吹雁翼遠別無人鄉君近雁來處幾回斷君腸昔  
奉十日書撫心怨星霜無書又千日世路重茫茫燕國  
有佳黷蛾眉富春光自然君歸晚花落君空堂君其若  
不然歲晚雙鴛鴦顧免蝕殘月幽光不如星女兒憶事



夫顏色同秋螢秋日邊馬思武夫不違寧燕歌易水怨  
劍舞蛟龍腥風折連枝樹水翻無蒂萍立身多門戶何  
必燕山銘生世不如烏雙雙比翼翎季秋天地開萬物  
生意足可憐老期邁仰視日車速蕭颯御君風魂夢怨  
相逐百年夜銷半端為垂纓束

悲哉行

促促晨復昏生死同一源貴年不懼老賤老傷久存朗  
朗哭聲歌絳旌引幽魂來為千金子去卧百草根黃土

塞生路悲風送回輪金鞍舊良馬四顧不出門生結千  
載念榮及百代孫黃金買性命白刃誓一言寧知北山  
上松栢侵田園

羽林行

朝出羽林宮入叅雲臺議獨請萬里行不奏和親事君  
王重年少深納閑邊利寶馬雕玉鞍一朝從萬騎煌煌  
都門外祖帳光七貴歌鐘樂行軍雲物慘別地蕭笳整  
部曲幢蓋動郊次臨風親戚懷滿袖兒女淚行行復何

贈長劍報恩字

留別杜員外式方

東風吹旅懷鄉夢無夜無慚見君子堂貧思上歸途海  
嶽沈念深渭塵復何須婆娑不材木屈曲無絃孤惻惻  
奉離樽承歡獨向隅回首九仙門皇家在玉壺慚非海  
人別淚下不成珠

隋宮行

街街行路客行路悲春風野老幾代人猶耕場帝宮零

落池臺勢高低禾黍中

隴頭水

隴頭水千古不堪聞  
生歸蘇屬國死別李將軍  
細響風凋草清哀雁落雲

采蓮曲

弄舟竭來南塘水  
蓮葉映身摘蓮子  
暑衣鮮淨鴛鴦喜  
作浪舞花驚不起  
殷勤護惜纖纖指  
水菱初熟多新刺

其二

採蓮搗來水無風蓮潭如鏡松如龍夏衫短袖交斜紅  
艷歌笑鬪新芙蓉戲水來往蓮花東

漢宮詞

柏梁宸居清窈窕東方先生夜待詔夜久自當求露盤  
內人吹笙舞鳳鸞

湘妃劉女操

有虞夫人哭虞后淑女何事人傷悲籬竹上跡生不盡  
寄哀雲和十五絲雲和終奏鈞天曲乍聽琴聲遙嗣續

三湘測測流急綠秋夜露寒蜀帝飛楓林月斜楚臣宿  
更疑川宮日黃昏閭攜女子殷勤言環珮玲瓏有無間  
終疑既遠雙悄悄蒼梧舊雲豈難名老猿心寒不可嘯  
目盼盼兮意蹉跎魂騰騰兮驚秋波曲一盡兮憶再奏  
衆絃不聲且如何

鳴雁行

七月朔方雁心苦聯影翻空落南土八月江南陰復晴  
浮雲繞天難夜行羽翼勞痛心虛驚一聲相呼百處鳴

楚童夜宿烟波側沙上布羅連草色月暗風悲欲下天  
不知何處容棲息楚童胡為傷我神爾不曾作遠行人  
江南羽族本不少寧得網羅此客鳥

行路難

玉堂向夕如無人絲竹儼然宮商死細人何言入君耳  
塵生金樽酒如水君今不念歲蹉跎雁天明涼露多  
花燈青凝久照夜綵童窈窕虛垂羅入宮見妬君不察  
莫入此地生風波此時不樂早休息女顏未老君如何

寒夜吟

九衢金吾夜行行上宮玉漏遙分明霜飈乘陽掃地起  
旅鴻迷雪繞枕聲遠人歸夢既不成留家惜夜歡聲發  
羅幕華堂深皎潔蘭烟對酒客幾人獸火陽光二三月  
細腰楚姬絲竹間白紵長袖歌閒閒豈識苦寒損朱顏

李夫人歌

璿闈羽帳華燭陳方士夜降夫人神葳蕤半露芙蓉色  
窈窕將期環珮身塵如三五月可望難親近顰黛含悽



竟不言春思秋怨誰能問欲求巧笑如生時歌塵在空  
瑟御絲神來及夢相見苦帝比初亡心更悲愛之欲其  
生又死東流萬代無回水宮漏丁丁夜向晨烟消霧散  
愁方士

采葛行

春溪幾回葛花黃黃麝引子山山香蠻女不惜手足損  
鈎刀一一率利長葛絲茸茸春雪體深澗擇泉清處洗  
殷勤十指蠶吐絲當窻嫋娜聲高機織成一匹無一兩

供進天子五月衣水晶夏殿開涼戶冰山繞座猶難御  
衣親玉體又何如杳然獨對秋風曙鏡湖女兒嫁鮫人鮫  
綃逼肖色不分吳中角簟泛清水搖曳勝被三乘雲自  
茲貢薦無人惜那敢更爭龍手跡蠻女將來海市頭賣  
與嶺南貧估客

倚瑟行

金輿傳警灞水涯龍旗參天行殿巍左丈皇帝右慎姬  
北面侍臣張釋之憑高知處邯鄲道壽陵已見秋生草

萬世何人不北歸一言出口堪生老高歌倚瑟揚清悲  
樂餘哀生知為誰臣驚謠歎不可放願賜一言釋名妄  
明珠為日紅亭亭水銀為河玉為星泉宮一閉秦國喪  
牧童弄笛驪山上與世無情在速貧棄屍于野由斯葬  
君不見灞陵一代無發毀儉風本自張廷尉

賦得白日麗江臯

遲景臨遙水晴空似不高清明開晚鏡昭晰辨秋毫鬱  
鬱長堤上離離淺渚毛烟銷占一候風靜擁千艘獨媚

青春柳宜看白鷺濤何年謝公賞遺韻在江皋

薦水

西陸宜先啟春寒寢廟清厯官分氣候天子薦精誠已  
辨瑤池色如和玉珮鳴禮餘神轉速曙後月殘明雅合  
冰容潔非同雪體輕空憐一掬水珍重此時情

風箏

何響與天通瑤箏挂望中彩絃非觸指錦詞忽聞風雁  
柱虛連勢驚歌且墜空夜和霜擊磬暗引鳳歸桐幽咽

誰生怨清冷自匪躬秦姬收寶匣搔首不成功

送薛補闕入朝

平原門下十餘人獨受恩多未殺身每歎陸家兄弟少  
更憐楊氏子孫貧柴門已斷施行馬魯酒那能醉近臣  
賴有軍中遺令在猶將談笑對風塵

人日陪宣州范中丞傳正與范侍御傳貞宴東

風亭

人日春風綻早梅謝家兄弟看花來吳姬對客歌千曲

金剛經卷之三  
卷一百十七  
秦女留人酒百杯絲柳向空輕宛轉玉山斜月漸徘徊  
流光易去歡難得莫厭頻頻上此臺

送僧南遊

且攀隋宮柳莫惜江南春師有懷鄉志未為無事人

玉清壇

上陽宮裏女玉色楚人多西信無因得東遊奈樂何

酬范侍御五首

雲髻鳳文鈿對君俱少年兼金酬一飲莫惜十千錢

聞道中山酒一杯  
千日醒黃鶯似傳語  
勸酒太丁寧  
紅袂歌聲起  
因君始得聞  
黃昏小垂手  
與我駐浮雲  
相勸醉年華  
莫醒春日斜  
春風晚陵道  
萬里晉陽花  
幾日勸屠蘇  
楚聲山鷓鴣  
春風入君意  
千日不須臾

山居

窈窕垂澗蘿  
蒙茸采葛花  
鴛鴦憐碧水  
照影舞金沙

舊鏡

團團銅鏡似潭水  
心愛玉顏私自親  
一經離別少年改

難與清光相見頻

贈楊煉師二首

紫烟衣上繡春雲  
清隱山書小篆文  
明月在天將鳳管  
夜深吹向玉晨君

道士夜誦藥珠經  
白鶴下繞香烟聽  
夜深經盡人上鶴  
天風吹入秋冥冥

隋宮

柳塘烟起日西斜  
竹浦風回雁弄沙  
煬帝春遊古城在



壞宮芳草滿人家

寄天台準公

赤城橋東見夜月  
佛籠寺邊行道僧  
足踏莓苔把琪樹  
海光清淨對心燈

吳中夜別

楚客秋思著黃葉  
吳姬夜歌停碧雲  
聲盡燈前各流淚  
水天涼冷雁離羣

送裴婺州

婺女星邊氣不收  
金華山水似瀛洲  
香含太守心清淨  
去與神仙日日遊

答客

竹間深路馬驚嘶  
獨入蓬門半似迷  
勞問圃人終歲事  
桔槔聲裏雨聲低

寄薛膺昆季

楚山清路兩無期  
夢裏春風玉樹枝  
何況芙蓉樓上客  
海門江月亦相思

襄陽懷古

襄陽太守沈碑意身後身知幾年事襄江千歲未為陵  
水底魚龍應識字

懷王秀才

鄉無竹圃為三逕貧寄江家已二年惟有素風身未墜  
世間開口不言錢

秋夜懷紫閣寺僧

滿山雨色應難見隔澗經聲又不聞紫閣夜深多入靜

石苔誰為掃秋雲

得諸道士書

嬋娟春盡暮心收  
隣里同年半白頭  
為問蓬萊近消息  
海波平定好東遊

上巳日上浙東孟中丞

世間禊事風流處  
鏡裏雲山若畫屏  
今日會稽王內史  
好將賓客醉蘭亭

送僧遊天台

身非居士常多病，心愛空王稍覺閒。  
師問寄禪何處取，浙南青翠沃洲山。

漢宮詞

月映東窓似玉輪，未央前殿絕聲塵。  
宮槐花落西風起，鸚鵡驚寒夜喚人。

懷仙詞

閨風綺閣幾千丈，瑤水西流十二城。  
曾見周靈王太子，碧桃花下自吹笙。

南塘

南塘旅舍秋清淺  
夜深綠蘋風不生  
蓮花受露重如睡  
斜月起動鴛鴦聲

其二

塘東白日駐紅霧  
小魚翻光樂碧濤  
畫船蘭棹欲破浪  
恐畏驚動蓮華心

望金山寺

一朵蓬萊在世間  
梵王宮闕翠雲閒  
近南秋水更清淺

聞道遊人未忍還

奉酬范傳真

昨日新花紅滿眼  
今朝美酒綠留人  
更宜明月含芳露  
憑仗蕭郎夜賞春

湖上望月

湖上清涼月更好  
天邊旅人猶未歸  
幾見金波滿懷破  
草蟲聲畔露霑衣

望姑山

幽人往往憶麻姑  
浮世悠悠仙境殊  
自從青鳥不堪使  
更得蓬萊消息無

張仲素

賦得寒雲輕重色

佳期當可許  
託思望雲端  
鱗影朝猶落  
繁陰暮自寒  
因風方嫋嫋  
間石已漫漫  
隱映看鴻度  
霏微覺樹攢  
凝空多似黛  
引素乍如紈  
每向愁中覽  
含毫欲狀難

緱山月夜聞王子晉吹笙



王子千年後笙音五夜聞  
逶迤清洛斷續下仙雲  
泄飄難定啾啾曲未分  
松風助幽律波月動輕  
丈鳳管聽何遠鸞聲若  
在羣暗空思羽蓋餘韻  
自氛氲

上元日聽太清宮步虛

仙客開金籙元辰會  
玉京靈歌賓紫府雅韻  
出層城磬雜音徐徹風  
飄響更清紆餘空外盡  
斷續聽中生舞鶴紛將  
集流雲駐未行誰知九  
陌上塵俗仰遺聲

遊春曲二首

萬樹江邊杏，新開一夜風。  
滿園深淺色，照在綠波中。  
上苑何窮樹，花開次第新。  
香車與絲綺，風靜亦生塵。

春遊曲三首

烟柳飛輕絮，風榆落小錢。  
濛濛百花裏，羅綺競秋千。  
騁望登香閣，爭高下砌臺。  
林間踏青去，席上意錢來。  
行樂三春柳，林林百和香。  
當年重意氣，先占鬪鷄場。

塞下曲五首

三戍漁陽再渡遼，  
驛方在臂劍橫腰。  
匈奴似欲知名姓，

休傍陰山更射鵰

獵馬千羣雁幾雙  
燕然山下碧油幢  
傳聲漢北單于破  
火照旌旗夜受降

朔雪飄飄閉雁門  
平沙歷亂卷蓬根  
功名恥計擒生數  
直斬樓蘭報國恩

隴水潺湲隴樹秋  
征人從此淚雙流  
鄉關萬里無因見  
西戍河源早晚休

陰磧茫茫塞草腓  
枯樺烽上暮烟飛  
交河北望天連海

蘇武曾將漢節歸

李正封

詠露

霏霏靈液重雲表無聲落霑樹急玄蟬灑池淒皓鶴流  
塵清遠陌飛月澄高閣宵潤玉堂簾曙寒金井索佳人  
北珠淚坐感空綃薄

貢院樓北新栽小松

青蒼初得地華省植來新尚帶山中色猶含洞裏春近

樓依北戶隱砌淨遊塵鶴壽應成蓋龍形未有鱗為梁  
資大厦封爵恥羸秦幸此觀光日清風屢得親

夏遊招隱寺暴雨晚晴

竹栢風雨過蕭疎臺殿涼石渠瀉奔溜金利照顏陽鶴  
舞巖烟碧鹿鳴澗草香山僧引清梵幡蓋遶迴廊

洛陽清明日雨霽

曉日清明天夜來嵩少雨千門尚烟火九陌無塵土酒  
綠河橋春漏閒宮殿午遊人戀芳草半犯巖城鼓

周繇

字為憲  
池州人

送江州薛尚書

匡廬千萬峰影匝郡城中  
忽佩虎符去遙疑鳥道通  
烟霞時滿郭波浪暮連空  
樹翳樓臺月帆飛鼓角風  
郡齋多鶴客鄉戶半漁翁  
王事行春外題詩寄遠公

送邊上從事

戎裝佩鎔鋸走馬逐輕車  
衰草城邊路殘陽隴上茄黃  
河穿漢界青塚出胡沙  
投筆男兒事功名立可誇

送洛陽崔員外

塞詔除嵩洛觀圖見廢興  
城遷周古鼎地列漢諸陵  
日送歸朝客時招往嶽僧  
郡齋臺閣滿公退即吟登

送人尉黔中

盤山行幾驛水路復通巴  
峽漲三川雪園開四季花  
公庭飛白鳥官俸請丹砂  
知尉黔中後高吟採物華

送楊環校書歸廣南

天南行李半波濤灘樹枝  
枝拂戲猿初著藍衫從  
遠嶠

金少府人  
卷一百十七  
乍辭雲署泊輕艘山村象踏枕椰葉海外人收翡翠毛  
名宦兩成歸舊隱徧尋親友興何饒

送宇文虞

此別欲何往未言歸故林行車新歲近落日亂山深野  
店寒無客風窠動有禽潛知經日事大半是愁吟

登甘露寺

盤江上幾層峭壁半垂藤殿鎖南朝像龕禪外國僧海  
濤春砌檻山雨灑窗燈日暮疎鐘起聲聲徹廣陵



甘露寺東軒

每日憐晴眺閒吟只自娛山從平地有水到遠天無老  
樹多封楚輕烟暗染吳雖居此廊下入目亦踟躕

甘露寺北軒

曉色宜閒望山風遠益清白雲連晉閣碧樹盡燕城水  
靜沙痕出烟消野火平最堪佳此境為我長詩情

題金陵棲霞寺贈月公

明家不要買山錢施作清池種白蓮松檜老依雲外地

樓臺深鎖洞中天風經絕頂迴疎雨兀倚危屏挂落泉  
欲結茆菴伴師住肯饒多少薜蘿烟

詠螢

熠熠與娟娟池塘竹樹邊亂飛同曳火成聚却無烟微  
雨灑不滅輕風吹欲燃舊曾書案上頻把作囊懸

題東林寺虎跑泉

勝致通幽感靈泉有虎跑爪擡山脈斷掌托石坳竹  
藹疑相近松陰蓋亦交轉令棲遁者真境愈難拋

望海

蒼茫空泛日四顧絕人烟半浸中華岬旁通異域船島  
間應有國波外恐無天欲作乘槎客翻愁去隔年

韓琮

字成封湖  
南觀察使

春愁篇

金烏長飛玉兔走青鬢長青古無有秦城十六語如絃  
未解貪花惜楊柳吳魚嶺雁無消息水盼蘭情別來久  
勸君年少莫遊春暖風遲日濃如酒

興平縣野中得落星石移置縣齋

的的墮芊芊蒼茫不記年  
幾逢疑虎將應逐犯牛仙  
擇地依蘭畹題詩間錦牋  
何時成五色却上女媧天

詠未開牡丹

殘花何處藏盡在牡丹房  
嫩蘂包金粉重葩結繡囊  
雲凝巫峽夢簾閉景陽粧  
應恨年華促遲遲待日長

公子行

紫袖長衫色銀蟬  
半臂花帶裝盤水  
玉鞍繡坐雲霞別

殿承恩澤飛龍賜渥注控羅青裏轡鏤象碧重葩意氣  
催歌舞闌珊走鈿車袖彰雲縹緲釵轉鳳歌斜珠卷迎  
歸箔紅籠見醉紗惟無難夜日不得似仙家

晚秋信州桂院親友或責無書即事寄答

官信安仁拙書非叔夜慵謬馳驄馬傳難附鯉魚封五  
字勞何補千年運忝逢不量橫草力虛慕入雲蹤潔水  
空澄鑑持鉛亦礪鋒月寒深夜桂霜凜晚秋風憲摘無  
逃魏寬中得夢馮問狸將挾虎殲蠱敢虞蜂商吹移砧

調春花改鏡容歸期方晚積愁思暮山重仙鼠猶驚燕  
沙鷄欲變蛩惟應碧湘浦雲路及芙蓉

詠風

競持飄忽意何窮為盛為衰半不同偃草喜逢新雨後  
鳴條誰聽曉霜中涼飛玉管來秦殿暗裊花愁入楚宮  
莫見東西便無定蒲帆還有濟川功

雲

深意離情靄落暉如車如蓋早依依山頭觸石應長在

天際從龍自不歸，莫向隙窻籠夜月。好來山洞濕行衣，  
春風淡蕩無心後。見說襄王夢亦稀。

霞

應是行雲未擬歸，變成春態媚晴暉。深如綺色斜分閣，  
碎似花光散滿衣。天際欲消長慘淡，鏡中閒照正依稀。  
曉來何處低臨水，無限鴛鴦不肯飛。

露

長隨聖澤墮遙天，濯徧幽蘭葉自鮮。終喜輕塵銷陌上，

已愁新月到階前  
潤沾朝槿元非久  
珠綴秋荷偶得圓  
幾處花枝抱離恨  
晚風斜日正潸然

雨

陰雲拂地散絲輕  
長得為霖濟物名  
夜浦漲歸天塹潤  
春風灑入御溝平  
軒車幾處歸頻濕  
羅綺何人去欲生  
不及漂池荷葉上  
似珠無顆轉分明

涼西即事

秋草河蘭起陣雲  
涼州誰向管絃聞  
豺狼毳幕三千帳



貔虎金戈十萬軍，候騎北來驚有說。  
戍樓西望悔為文，昭陽亦待平安火。  
誰握旌旗不見勲。

題圭峰丁長孫家林亭

趙國林亭二百年，綠苔如毯葛如烟。  
閒期竹色搖霜看，醉惜松聲枕月眠。  
出樹圭峰寒壓座，入籬沙瀨碧流天。  
明知富貴非吾物，莫為金章墮此仙。

牡丹

桃時杏日不爭濃，葉幄陰成始放紅。  
曉艷遠分金掌露。

暮香深惹玉堂風名遺蘭杜千年後貴擅笙歌百醉中  
如夢如仙忽零落暮霞何處綠屏空

晚春別

晚日低霞綺晴山遠畫眉青青河畔草不是望鄉時

涼州詞

樹發花如錦鶯啼柳若絲更遊歡宴地悲見別離時

楊柳枝

梁苑隋堤事已空萬條猶舞舊春風那堪更想千年後

誰見楊花入漢宮

暮春渥水送別

綠暗紅稀出鳳城  
暮雲宮闕古今情  
行人莫聽宮前水  
流盡年光是此聲

楊柳枝詞

枝鬪纖腰葉鬪眉  
春來無處不成絲  
灞陵原上多離別  
少有長條拂地垂

柳

折柳歌中得翠條  
遠移金殿種青霄  
上陽宮女含聲送  
不忍先歸舞翠腰

二月二日遊洛源

舊苑新晴草似苔  
人還香在踏青回  
今朝此地成惆悵  
已後逢春更莫來

駱谷曉望

秦川如畫柳如絲  
去國還鄉一望時  
公子王孫莫來好  
嶺花多是斷腸枝



石倉歷代詩選卷一百十七